

徵稿&相片《永遠 ê 陳雷：陳雷先生紀念追思文集》

2025.07.01_03 updated

陳雷先生 tī 咱 ê 心--nih，親像一座溫暖 ê 燈塔。伊對台灣文學 ê 付出，到 chit 幾年對後輩 ê 鼓勵 kap 牽成，伊 ê 精神 kap kha-jiah，深深影響當代台語文運動 ê 發展。

Ūi-tiōh 感念、追思陳雷 sian 對台灣語言、文學 kap 文化 ê 重大貢獻，蔣發太孫玉枝台語文教育基金會、台灣羅馬字協會、台文筆會、成大台灣語文測驗中心、台越文學館，特別 beh tī 今年規劃出版《永遠 ê 陳雷：陳雷先生紀念追思文集》，預定 tī 11 月初 1 陳雷追思會進前出版。邀請所有熟似、受伊啟發，iáh 是認同陳雷理念 ê 朋友，做伙用文字記錄心內 ê 感念，將伊 ê 精神永遠流傳落來。

投稿說明：

- 投稿 chiū 表示同意下底說明。
- 本紀念文集屬追思性質，無發稿費。Nā 有收錄，會送作者紀念文集 1 本，表示感謝。
- 投稿無代表一定刊出來。無刊出來 ê 文章，無特別退件、無另外通知。
- 刊物會 kō 全羅台文 kap 羅漢台文呈現。羅馬字 ê 部分，咱採用白話字。
- 來稿 tī 無改變原作意思 ê 情況下，主辦單位有修改權。Nā 無願意 hō 阮修改，請事先註明。
- 相片請提供原始檔，請 mài 提供壓縮過 ê 檔案。

歡迎針對下底 kap 陳雷 sian 相關 ê 主題方向來寫：

1. 相處記事：Kap 陳雷 sian 之間 ê 往來、相處 ê 故事 kap 記持。
2. 作品感想：對陳雷 sian 文學作品 ê 分析、評論 iáh 是讀 soah ê 感想。
3. 運動論述：論述陳雷 sian tī 台語文運動中 ê 角色、理念 kap 貢獻。
4. 精神傳承：受陳雷 sian 精神感召 ê 心得 kap 故事。
5. 追思創作：Ūi 紀念陳雷 sian 所創作 ê 各種文類作品（詩、散文等）。
6. 紀念相片：任何 kap 陳雷 sian 有關係 ê 相片（相片 10 張以內 ùi 原則）。

字數：

- 詩：50 chōa 以內 ùi 原則。
- 散文、論述等文章：A4（12 號字，邊界標準）2 頁 or 1,500 字以內 ùi 原則。
- 相片：相片說明 30 以內 ùi 原則。

收件期間：Ūi chit-má 起，到 2025 年 7 月 31（拜 4）截止。

投稿方式：請完成 Google 表單 <https://forms.gle/BTvfWbiF1U7gTn1B9>

注意事項：

- 投稿請遵守下底注意事項。
- 1 ê 人投稿 1 篇 ùi 原則。稿件 ài 是原創作品，無 tī 任何所在公開出版過。
- Nā 是作品、相片 ê 內容、版權有任何爭議，iáh 是其他侵害別人著作權。投稿人 ài 自動協助主辦單位處理糾紛，承擔法律責任 kap 負責損害賠償。
- 投稿者同意授權本會 ká 作品無條件刊登 tī 本紀念文集，kap 未來主辦單位做相關宣傳使用。

主辦單位：蔣發太孫玉枝台語文教育基金會、台灣羅馬字協會、台文筆會、成大台灣語文測驗中心、台越文學館

Nā 有任何疑問，歡迎來 phoe，iáh 是敲電話來問。

聯絡人：鄭先生 E-mail：titeng@taigi.org 電話：06-2089803

